

**JOMBOY TUMANLARARO  
IQTISODIY SUDI**

140400, Jomboy sh., Toshkent ko'chasi, 35-uy



**JAMBAY INTER-DISTRICT  
ECONOMIC COURT**

140400, Jambay city. Tashkent street, 35

Тел/факс: (0-355) 701-20-42,

Веб-сайт: [www.oliysud.uz](http://www.oliysud.uz)

Эл.почта: [i.jomboy@sud.uz](mailto:i.jomboy@sud.uz)

**ЎЗБЕКИСТОН РЕСПУБЛИКАСИ НОМИДАН  
ҲАЛ ҚИЛУВ ҚАРОРИ**

2022 йил 21 апрель

Жомбой тумани

4-1404-2201/283-сонли иш

Жомбой туманлараро иқтисодий судининг судьяси Турсунова.Н.Э.нинг раислигида, И.Яхёевнинг котиблигида, Ўзбекистон Республикаси Савдо-саноат палатаси Самарқанд вилоят ҳудудий бошқармасининг даъвогар -“Жомбой дон маҳсулотлари” акциядорлик жамияти манфаатида, жавобгар -Саттаров Алишер грен фермер хўжалигига нисбатан киритган даъво аризаси бўйича қўзғатилган иқтисодий ишни даъвогар вакили - Х.Садиков ( ишончнома асосида) Жавобгар раҳбари А.Саттаровлар иштирокида, -“Жомбой дон маҳсулотлари” акциядорлик жамияти биносида, очик сайёр суд мажлиси муҳокамасида кўриб чиқиб, қуйидагиларни,

**А н и қ л а д и:**

Жомбой туманлараро иқтисодий судига Ўзбекистон Республикаси Савдо-саноат палатаси Самарқанд вилоят ҳудудий бошқармаси даъвогар -“Жомбой дон маҳсулотлари” акциядорлик жамияти манфаатида, жавобгар -Саттаров Алишер грен фермер хўжалигига нисбатан даъво ариза билан мурожаат қилиб, унга кўра, жавобгар Саттаров Алишер грен фермер хўжалигидан 30 445 441 сўм асосий қарз ундиришни сўраган.

Суднинг ажрими билан ишга мустақил талаблар билан арз қилмайдиган учинчи шахс сифатида Жомбой туман қишлоқ хўжалик бўлими жалб қилинган.

Бироқ тегишли тартибда хабардор қилинган учинчи шахс Жомбой туман қишлоқ хўжалик бўлими вакили таъминланмади.

Даъво аризада баён этилишича, даъвогар - “Жомбой дон маҳсулотлари” акциядорлик жамияти ва Саттаров Алишер грен фермер хўжалиги ўртасида “Давлат эхтиёжлари учун бошоқли дон экинлари уруғлигини харид қилиш бўйича” контрактация шартномаси тузилган. Мазкур шартномага кўра, даъвогар - “Жомбой дон маҳсулотлари” акциядорлик жамияти (кейинги ўринларда “Тайёрловчи” деб юритилади), жавобгар - Саттаров Алишер грен фермер хўжалиги (кейинги ўринларда “Хўжалик” деб юритилади)ни дон уруғлиги билан



таъминлаш, етиштирилган маҳсулотларни қабул қилиб олиш ва унинг ҳақини тўлаш мажбуриятини, “Хўжалик” эса “Тайёрловчи”га бошоқли дон экинлари уруғини етказиб бериш мажбуриятини ўз зиммасига олган. Тарафлар ўртасида тузилган шартномага асосан “Тайёрловчи” ўз мажбуриятларини тўлиқ бажарган бўлсада, бироқ “Хўжалик” шартномада белгиланган мажбуриятини бажармаган. Шу сабабли, Ўзбекистон Республикаси Савдо-саноат палатаси вилоят ҳудудий бошқармаси даъвогар - “Жомбой дон маҳсулотлари” акциядорлик жамияти манфаатида судга даъво ариза билан мурожаат қилиб, жавобгар - Саттаров Алишер грен фермер хўжалигидан 30 445 441 сўм асосий қарзни ундиришни сўраган.

Ўзбекистон Республикаси Савдо-саноат палатаси вилоят ҳудудий бошқармаси судга илтимоснома билан мурожаат қилиб, суд мажлисини палата вакили иштирокисиз кўришни сўраган.

Ўзбекистон Республикаси Иқтисодий процессуал кодексининг 170-моддасини иккинчи қисмида, иш муҳокамасининг вақти ва жойи тўғрисида тегишли тарзда хабардор қилинган даъвогар суд мажлисига келмаса, даъвогарнинг ишни унинг йўқлигида кўриш тўғрисидаги аризаси бўлган тақдирда, низо унинг йўқлигида ҳал қилиниши мумкин деб белгиланган.

Шу сабабли суд палатанинг илтимосномасини қаноатлантириб, суд мажлисини Учинчи шахс ва палата вакили иштирокисиз кўришни лозим топди.

Суд мажлиси муҳокамасида иштирок этган даъвогар вакили қўшимча ҳужжатлар тақдим этиб, бугунги кун ҳолатига даъво талабида кўрсатилган барча қарздорлик ва почта харажатлари жавобгар томонидан тўлиқ сундирилганлигини маълум қилиб, сундирилганлиги тўғрисидаги 2022 йил 21 апрелдаги №291/04-сонли маълумотномасини тақдим этди ҳамда даъво талабини рад этишни сўради.

Суд мажлисида иштирок этган жавобгар раҳбари, даъво талабидаги қарздорликни тўлиқ сундирилганлигини, билдириб даъво талабини рад этишни сўради.

Суд, даъвогар ва жавобгарнинг кўрсатмасини тинглаб, ишдаги мавжуд ҳужжатларни ўрганиб, уларга ҳуқуқий баҳо бериб, қуйидаги асосларга кўра, даъво талабини рад этишни, суд ҳаражатларини жавобгар зиммасига юклашни лозим топди.



Суд мажлиси муҳокамаси жараёнида даъвогар вакили томонидан 2022 йил 21 апрель ҳолатига тўловлар тўлиқ сўндирилганлиги тўғрисидаги маълумот тақдим этилди.

Мазкур ҳолатда суд, жавобгар томонидан даъво суммаси тўлиқ бартараф этилганлигини инобатга олиб, даъвогарнинг даъво талабини қаноатлантиришни рад этишни лозим деб ҳисоблайди

Ўзбекистон Республикаси Иқтисодий Процессуал Кодексининг 118-моддаси 5-бандига кўра, даъвогарнинг талаблари у судга мурожаат қилганидан сўнг жавобгар томонидан ихтиёрий равишда қаноатлантирилса, суд харажатлари жавобгарнинг зиммасига юклатилади деб белгиланган.

Бундай ҳолатда суд, ишдаги ҳужжатларни ўрганиб, даъвогар вакилининг фикрини тинглаб, даъвогарнинг даъво талабини қаноатлантиришни тўлиқ рад этишни, республика бюджети ҳамда суд ҳокимияти органларини ривожлантириш жамғармасига 608 908,82 сўм давлат ундиришни лозим деб ҳисоблайди.

Юқоридагиларга асосан ва Ўзбекистон Республикаси Иқтисодий Процессуал Кодексининг 118,176-179, 186-моддаларини қўллаб, суд

### **қ а р о р қ и л а д и:**

Ўзбекистон Республикаси Савдо-саноат палатаси Самарқанд вилоят ҳудудий бошқармасининг даъвогар -“Жомбой дон маҳсулотлари” акциядорлик жамияти манфаатида, жавобгар - Саттаров Алишер грэн фермер хўжалигига нисбатан киритган даъво аризаси қаноатлантириш рад этилсин.

Жавобгар - Саттаров Алишер грэн фермер хўжалигидан республика бюджети ҳамда суд ҳокимияти органларини ривожлантириш жамғармаси ҳисобига 608 908,82 сўм давлат божи ундирилсин.

Ҳал қилув қароридан норози бўлган тарафлар биринчи инстанция судининг қонуний кучга кирмаган ҳал қилув қарори устидан Жомбой туманлараро иқтисодий суди орқали Самарқанд вилоят судининг иқтисодий ишлар бўйича судлов ҳайъатига апелляция шикояти беришга ҳақли.

Ўзбекистон Республикаси Иқтисодий процессуал кодексининг 336-моддаси 5-қисмига мувофиқ, ундирувчи судга ижро варақасини электрон ҳужжат тарзида давлат ижрочисига юбориш тўғрисида илтимоснома бериш ҳуқуқи мавжудлиги тушунтирилсин.



**Турсунова.Н.Э.**

**Судья**

Хужжат имзоланган: Турсунова Навбахор Эшмуродовна, 21.04.2022

